

# Lesedi ya BATHO

TSWANA – Only one way to God

## TSELA YA GO YA MODIMONG E NGWE FEELA



“Ke nna tsela, le boamarure, le botshelo, ga go tle ope mo go Rara ha e se ka nna.” *Johane 14:6*. Mo metlheng eno ya dikhuduego, baruti ba ditumelo tse di fapogileng ba ruta batho ditsela disele tse ba reng di ka isa batho go Modimo. Mme mo tlhakantsukeng ena ya dithuto go fodisa

maikutlo go utlwa Mmoloki wa rona yo o makatsang, ebong Jesu Kresete, a re, “Ke nna tsela.”

Ge go kile ga nna nako e ka yona go tlhokafalang thata go utlwelela ene yo o na a “Bua ka mogwa o go seng ope a kileng a bua ka ona, ke yona e.”

Ga go ope a ka latolang gore re mo gare ga matshwenyego a lefatshe le iseng le ke le a bone. Mme go ne go nntse jalo fela ge Morena Jesu a bua mafoko ana la ntlha, ene ele metlha ya khuduego. Batho ba ne ba rutwa tumelo le temalo ya batho, di nokilwe ka nnetenyana. Jesu a bua le Bafarasai (lekokonyana la tumelo ngwe) a re "Ba nkobamelela lefela ka ba ruta batho dipolelo tsa batho fela." *Mathaio 15:9*.

Ga go na pelaelo gore mo metlheng eno ya mferere, go teng ba jaaka Thomas ba botsang potso e, "Tsela re ka e itse jang?" Le ge ba sa buele kwa godimo, potso yona e teng mo megopolong ya bona e e tshwenyegileng. Se ke se itseng ke gore potso e, e kile ya tshwenya pelo ya me nako e telle, mme ke leboga Modimo, ga e sa tlhole e ntshwenya, ka gonne ge Jesu a re, "Ke nna tsela, go ntekane.

Ha e sale batho ba latlhega kanako ya Adam, batho ba nntse ba akanya, ba loga maano a go boela go Modimo. Ebile ba teng ba ba tle ba re motho ga ise a ke a timele. Ba re, ge ngwana a tsalwa, o goroga a le boitshepo, go tlhokega fela gore a tlhokomelwe go nnela rure mo boitshepong bo. Ba leke ge ka maano a bona a a nathogang go tshola ngwana mo boitshepong bo. Ba gopola gore ge ba ka isa bana ba, kerekeng ba ba ruta sentle mme ya re ha ba le dilemo tse di kana, ba amogelwa jwaaka maloko a a tletseng a kereke, Modimo o tla amogela bana ba mo legodimong. Ka lebaka le, go senngwa nako a kgolo go rutwa bana bokereke, mme ba sa rutwe sepe ka se se tlhokegang thata ebong gore ba tsalwe la bobedi.

Motho a ka nna a dumela gore a ka kgona go ipusetsa go Modimo. Erile Adam le mosadi wa gagwe ba itemoga' gore ba leofile, ba leka go ikapesa go fitlha go sa ikatega ga bona. Ba tshaba Modimo ba iphitlha mo ditlhareng tsa tshimo. Ba tshaba Modimo o ba o leofetseng, go nale go gore ba batle sefatlhego sa one. Tsela e ne ya nna ngwe fela ya go busetsa Adam kwa go Modimo gore a tshwanele go ema mo pele ga Ona. Jaaka metlha, Modimo ya nna Ona o tsayang legato la pele. A batla Adam, mme a mo fitlhela a iphitlhile mo ditlhareng. Modimo wa ba direla diaparo ka matlalo, wa ba apesa. *Genese 3:21*. A re lemogeng gore Modimo ke ona o ba batlileng, wa ba bona, mme wa ba apesa. Wa ba batlisisa, wa ba fa diaparo, wa ba apesa. Se, se re bontsha ka mo Modimo o tlhokomelang ka teng moleofi yo a setseng a tshwanetswe ke go ya moleteng.

Jesu Kresete ke kwana ya Modimo. Kwana e, re e filwe ke Modimo. Modimo ke One o rometseng Kwana e, mo lefatsheng. Modimo ka nosi O laditse dibe (eseng karolo fela ya tsona, tsotlhe fela) tsa rona mo go Ena Kwana ya Modimo." "Rure O nntse a rwele pelodibotlhoko tsa rona, a sikere mahutsana a rona; leha go nntse jalo, ra mo kaea gore o bediwa fela, o itewa ke Modimo fela, a bogisiwa fela. Mme o na a ntshediwa ditlolo tsa rona matsanko, a teketelwa maikepo a

rona; petso e e re direlang kagiso e ne e le mo go ena; re bile re fodisiwa ka dingalo tsa gagwe. Rona rotlhe re timetse jaaka dinku; mongwe le mongwe o fapogetse kwa tseleng e e leng ya gagwe; mme Jehova o kokoanyeditse maikepo othe a rona mo go Ena." *Isaia 53:4-6*.

Rea tle re utlwe gotwe motho o ne a latlhega ka Adam, mme a boela go Modimo ka Kresete; mme ge re ka elatlhoko, lekwalo la re, "Ka Kresete le ena a bogile botlhoko gangwe fela, ka ntlha ya maleo, a le Mosiami mo boemong joa basiamolodi, gore a re lere mo Modimong; a bolawa mo nameng, mme a rudisiwa mo moeng." *I Petero 3:18*.

Amarure, tsela e ngwe fela go ya Modimong; tsela e, ga se melawana le ditaello, kgotsa mokgwa mongwe wa maitsholo a motho; tsela ke Moitshepi yo o galalelang, yo o fologileng legodimong, mme a tsalwa ke Moya o o boitshepo. Ona a tshela botshelo yo bo senang sebe ka gope, le ba ba ne ba mo tlhoile, ba tlhokile ka mo ba ka mo lato-fatsang ka teng. Judas le ene, yo o na a eka Kresete, o na a ipona molato a ba a re, ke ekile madi a a senang molato. *Mataio 27:4*. Rea bona, ka mo, gore yo o senang molato o na a bogisediwa ba ba molato, gore a ba busetse Modimong, a ba tlise ele ba ba ka tshwanelang go ema ha pele ga Modimo.

"Rure, motho mongwe le mongwe, le a le mo boemong jo bo gaisang, ke lefela gotlhe fela." *Pisalm 39:5*. Polelo e ya Lefoko la Modimo e kgolo, e akareditse mo go ntsi, ga go re thuse go iphapaanya le nnete ya yona. Molemo wa rona le tsotlhe tse re lelang go ithusa ka tsona ga di thuse sepe. Se Modimo o se batlang mo go rona ke gore re ipone gore re tlhoka Kresete le maatla a gagwe a go pholosa.

Batho ba ba fodileng ga ba tlhoke ngaka; go nntse jalo, ba ba ikanyang tshiamo ya bona, ba re ga ba tlhoke Moloki, mme Modimo o rile, "ditshiamo tsotlhe tsa rona di nntse jaaka seaparo se se maswe." *Isa. 64:6*. Go batlega sengwe se se phalang diaparo tse di maswe go re etleletsa go ema mo pele ga Modimo. Go batlega tshiamo e e senang bogole, ele e e bonwang fela mo go Kresete. "Mme lona lo ba Ona mo go Krete Jesu, yo o re diretseng botlhale jo bo tswang Modimong, le tshiamo, le boitshepiso le thekololo." *I Bakur. 1:30*. "Ene yo o na a sa itse bolelo bope, O mo dirile go nna bolelo mo boemong joa rona, gore rona (ba ba dumelang mo go Ena) re nne tshiamo ya Modimo mo go Ena." *2 Bakur. 5:21*. Dibe tsa rona di eme mo gare ga rona le Modimo, mme Jesu Kresete on na a boga ka ntlha ya tsona, ka mmele wa gagwe mo setlhareng, mme ka moo Modimo wa re lebelela dibe. O tshedile ka bosangkae, ke ka moo a nonofileng go pholosa gotlhelele botlhe ba ba tlang go Modimo ka Ena. *Heb. 7:25*.

"Jesu ke ena mosupi yo o ikanyegang." *Ponatshego 1:5*, mme o solofeditse gore ga a kitla a



kgarameletsa ntle ope yo o tlang go Ena. *Johane 6:37*. Go tla go ena go raya gore motho a inyaletse dibe tsa gagwe mme a kope Modimo go mo itshwabela, a mo tlhatswe ka madi a botlhokwa a ga Kresete, motho a hularele lefatshe le menate ya lona. Motho a ineele Modimo ka gotlhe, a mo phelele. Ha o amogetse Morena, a go itshwaretse, o tla go naya kagiso le natefo, mme ga o kitla o nyoerlwa dilo tsa lefatshe le.

Amarure, tsela e ngwe fela ya go ya Modimong, wena mmadi wa lekwalo le, utlwa Jesu Kresete ge a re, "Ke nna tsela." Khubama, o bue le Ena o mmolele ka ga bophelo ba gago; molele gore o ikwatlhaela dibe tsa gago, o kope tshwarelo, le kutlwelobothoko, le gore a go tlhatswe ka madi a gagwe a botlhokwa, gore o nne ngwana wa Modimo, mme bofelong o bone bophelo jo bo sa khutleng. O solofeditse gore o tla dira jalo; wena dumela fela, mme o nanoge mme o ikutlwele pelong ya gago gore tiro ya pholoso e weditswe. Tsamaya ge, mme o se tlhole o leofa, ha o ka lemoga gore o bokoa, kopa Kresete gore a go tiise, a go fe phenyo. Ititee sehuba, o hularelele rure dilo tsa lefatshe mme o tla bona, o tla go naya eseng kagiso le boipelo fela, eleng tse lefatshe le se nang natso, mme o tla itumelela go mo direla. Keletso ya menate ya lefatshe e tla nyamela, ka tsa lefatshe e le tsa metsotso fela, di feta, mme se Modimo a se fang se nna ka bo sakhutleng.

Boela gee, kwa go ena yo e leng Tsela, le Nnete, le Bophelo.

## MOTSIETSI

Satana o na tsietsa Adam le Eva, a ba naya maaka boemong ba nnete. A ba solofetsa se e seng sa gagwe, a ba naya bohutsana boemong ba natefo, le lesa boemong ba bophelo.

### TSHIAMO E E SENG YONA

Satan a ka go fa tshiamo e e seng yona, ebong tshiamo ya boikaketso ba gagwe e e maswe, boemong ba tshiamo ya nnete ya Jesu, e re e bonang fela ka tumelo mo go Jesu Kresete. Seaparo sa leloba le lesweu-sweu la tsiamo ya Jesu, se se tlhatswitsweng ka madi a Kwana, Satan o tla se potetsa ka se amogelwa fela ka boikotlhaio ba nnete le tumelo mo go Kresete.

### KAGISO E E SENG YONA

Satan o tla go fa kagiso ya boikaketso, a go raya a re batho botlhe ke bana ba Modimo, mme ba tla ya legodimong. Jesu o na a raya Bafarasai a re: "Lo ba rra eno diabololo, le dithato tsa ga rra

eno ke tsona tse lo di ratang go di dira." *Johane 8:44*. Johane Moaposetolo a kwala a re, "Yo o dirang sebe ke wa ga diabololo, gonne diabololo o sale a leofa le mo tshimologong. Yo o tsetsweng ke Modimo ga a dire bolelo, ka peo ya gagwe (ebong Jesu le Lefoko) yona e nnela rure mo go ena, ga a kake a leofa ka a tsetsweng ke Modimo. Bana ba Modimo ba farologanyane ka mokgwa o, le ba ga diabololo Yo o sa direng tshiamo ga se wa Modimo le ene yo o sa rateng mogagabo." *I Johane 3:8-10*.

Re ka nna bana ba Modimo fela ka go tsalwa gape. "Mme botlhe ba ba mo amogetseng, a ba naya tshiamelo ya go nna bana ba modimo, ebong bone ba ba dumetseng mo ineng la gagwe; e le ba ba sekang ba tsalwa ka madi le ha ele ka go rata ga nama, le ha e le ka go rata ga motho, ha e se ke Modimo..." *Johane 1:12-13*. "Ha motho a sa tsalwe sesho, ga a kake a bona bogosi ba Modimo. Se se tsetsweng ke nama e nntse ke nama, mme se se tsetsweng ke moya e nntse ke moya." *Johane 3:3, 6*. Satan a ka go raya a re ga go na molete, ga go Modimo, ga go tshikiso le eseng tsogo ya baswi. Moya o o Boitshupo, eleng moya wa nnetse, ona o go bontsha dibe tsa gago, o go bontsha Jesu morwala-dibe, Kwana ya Modimo e e tlosang maleo a lefatshe.

### BOITUMELO JOA BOIKAKETSO

Diabololo o leka go go fa boitumelo ba boikaketso. O tla go fa ditakatso tsa nama. Dilo tse ga di kake tsa itumedisa keletso ya moya wa gago. Bojalwa ga bo kake joa itumedisa moya wa gago, le eseng basadi kgotsa banna. Jesu o na a raya mosadi wa Samaria, a re, "O no o na le banna ba ba tlhano, mme le wa borataro yo o nang nae ga se wa gago." Jesu a solofetsa go fa mosadi metsi a a ka tlosang lenyora la gagwe. Jesu ke ene sediba sa metsi a bophelo. Ha re nwa metsi a Ena a re



fang ona metsi auo a tla nna mo go rona motswedi o o phelang o o se kitlang o kgala go ya bosakhutleng.

O seka wa tsiediwa ke diabololo ka boitumelo ba tsietso bo bo senang sepe, mme bokhutlo ba bona ele bohutsana ba bosakhutleng kwa moleteng.

### LESEDI LE ESENG LONA

Satan oa tle a bonale ekeke ke lesedi. O rata go iponatsa jaaka moengeli wa lesedi. Pele ga gowa ga gagwe Satan e ne ele moengeli yo montle thata, mme ga a sale jalo. O leka ka gale go bonatsa sebe jaaka sengwe se gogang maikutlo, se se ntle, ele fela go go raela gore a tle a go tshware, mme lesedi la gagwe ke la tsietso le le bonalang bosigo fela. Ha Jesu, Lesedi la tshiamo le bonala masedi otlhe a ga diabololo a tla nyelela. Ha o le mo leseding la Modimo o ka bona sentle bobele ba kgalalelo ya diabololo.

### TSELA YA TSIETSO

Diabololo o leka go go isa mo tseleng ya tatlhego. Tsela e ngwe fela e e isang legodimong, Jesu o rile, "Ke nna Tsela le Nnete, le Bophelo." Diabololo ene o tla go raya a re o na le tsela e e phalang ya ga Jesu; ya ga diabololo tsela ke e e petleke e e tsamaiwang ke ba ba ntsi, mme ga kake a go bontsha gore tsela euo e isa moleteng.

"Go na le tsela e e keteng e siame mo mothong, mme bokhutlo ba yona ke tsela ya leso." *Diane 14:12.* "Tsela ya lesilo e siame mo matlhong

a lona; botshelo bo mo tseleng ya mosiami." *Diane 12:15, 28.*

### KHUMO E E SENG YONA

Mahumo a ga diabololo ke a tsietso fela. Mo-nna wa mohumi o na a tsietsega jaana, ka erile a swa a ya moleteng. Judas le ene fela jaalo, a tsiediwa ka dipapetlana tsa selefera di le masotharo. Ka moo alatlhegelwa ke Jesu, mme ka go latlhegelwa ke Jesu a latlhegelwa le ke kagiso ya bosakhutleng, le boitumelo ba ka metlha, le bophelo bo bo sa feleng, eleng tsona lehumo la nnete la bosakhutleng. O na a swa, a latlhegelwa ke maemo a gagwe a a kwa godimo, le chelete. Satan ene o tla go fa letlapa boemong ba senkgwe, phepheng boemong ba lee, le noga boemong ba tlhapi. Mo go Jesu re na le mahumo a bosakhutleng a a se kang a nyelela.

Di dintsi tse re ka di bolelang, mme go lekanye go go tlhagisa gore o latele ene modisa wa nnete yo o go neileng bophelo ba gagwe. Latela lesedi la nnete le eleng Jesu. Amogela Moya wa nnete, ebong Moya O O Boitshepo, o nne kala ya mofina wa nnete. Utlwella Jesu, moprofeti wa nnete eseng baprofeti ba ga diabololo. Tlogela medimo ya seseto, o latele Modimo wa nnete. Direla Modimo ka nnete le ka moya. Jesu ke ene senkgwe sa nnete se se nang le bophelo. O seka wa tsiediwa, Modimo ga o sotlwe, se motho a se jalang o tla se roba.

Se dumelle diabololo go go tsietsa, latela Jesu yo rileng, "Ke nna Tsela, le Nnete, le Bophelo."

---

The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)